

NJË RAST ME XANTHOGRANULOMË JUVENILE

ERMIRA VASILI, IRENA SAVO, MAJLINDA BUBA*

Summary

A CASE WITH JUVENILE XANTHOGRANULOMA

Juvenile xanthogranuloma (JXG) is a benign, self-healing disorder characterized by solitary or multiple yellow-red nodules on the skin and, occasionally, in other organs. It is predominantly a disease of infancy; it usually appears at birth or during the first year of life. Adults may also be affected. Histologically, JXG represents an accumulation of histiocytes. It is a normolipemic non-Langerhans cell histiocytosis. Affected persons have normal lipid metabolism. The patient's general health is not impaired and, in the absence of associated conditions, the prognosis is very good. It usually regresses spontaneously within 3 to 6 years.

Rasti i parë me JXG është raportuar në vitin 1905 nga Adamson-i, i cili përdori termin *Xanthoma kongjenitale multiplekse* (4). Raste të tjera u raportuan nga Mc Donagh në vitin 1909 dhe më vonë në 1912, i cili mendonte që sëmundja kishte origjinë endoteliale prandaj e përshkroi me termin *nevoxanthoendotelioma* (4).

Në vitin 1936 Senear dhe Caro zbuluan natyrën ksantomatoze të dëmtimeve dhe preferuan termin *Xanthoma juvenile*. Më vonë, bazuar në të dhënat histologjike u propozua termi *Xanthogranuloma juvenile*. Në vitin 1937 Lamb dhe Lain raportuan rastin e parë me prekje pulmonare dhe në vitet në vazhdim prekje të shumta ekstrakutane (okulare, intraorale etj).

Përshkrimi i rastit

Pacienti B.B, 4 muajsh, lindur në rrethin e Fierit, u paraqit pranë klinikës së Dermatologjisë më 31/10/2007. Prindërit i shihnin të shqetësuar nga prania e elementëve të shumtë papulo-nodozë në të gjithë trupin. Ata referuan se sëmundja i kishte filluar që në muajin e parë të jetës me shfaqjen e një elementi nodoz në skrotum.

Më pas elementë të ngjashëm u shfaqën në skalp, mjekër, trung, ekstremitete e organe genitale. Elementët kishin ngjyrë të kuqe në të verdhë, formë të rumbullakët, konture të qarta, diametër deri në 1cm, konsistencë të fortë. Lëkura rrethuese paraqitej me ngjyrë e konsistencë normale. Nuk shoqëroheshin me shqetësime subjektive.

* Dërguar në Redaksi në Qershor 2007, miratuar për botim Dhjetor 2007.

Nga Departamenti i Semundjeve të Lekures, Fakulteti i Mjekesise, Tirane.

Adresa për letërkëmbim: Vasili M., Departamenti i Semundjeve të Lekures, Fakulteti i Mjekesise, Tirane.